

高苑縣誌

二十二年徵集之書

二十二年徵集之書



增脩高苑縣志序

士自束髮受書濡染父師之訓咸思有所表見於世依古以來文章勲業垂名竹素雖歲月既湮猶震爍耳目非歎其材質異人蓋淵源授受其來有自未可誣也驛不敏何能與古人為役憶自髫齡就傅家大人常訓驛曰聖賢事業具在方策毋徒以梯榮媒利已也脩身經世之學皆脩諸此小子識之驛跪受教不敢忘歲己未奉

高苑縣志

序

一

朝命揀發江蘇請假省覲 嚴訓剴切舉古循吏相勗諄諄於經術吏治之為蓋猶是就傳時訓誨之至意云爾江蘇為東南都會筮仕靖江繼歷調沭陽鹽城崑山常熟諸邑靖邑地濱江海潮汐所經為農田害余甫下車躬親相度築堤捍

禦值螟蝗為災倣古澶撲滅捐資煮賑
民賴以安沐鹽地勢卑下伏秋淫霖田
廬蕩析待哺嗷嗷余為申請發帑賑濟
咸慶更生歲既熟更設義學脩文廟使
人知禮讓蠲除襍稅俾百貨流通民得
蘇息吳郡民物殷繁人文蔚起崑山常
熟尤所稱最余得承乏其間建普濟育
嬰等堂俾貧無藉者有所依賴巫咸巫

賢祠宇先賢虞仲墓言子子游墓昭明
讀書臺皆士民仰止所宗年久蕪廢不
治蒞任之始親自展謁次第脩葺立碑
碣以誌不朽脩復虞山書院設義田以
資諸生膏火興廢舉墜早夜孜孜上游
咸相噐重志未究旋被議落職仰蒙

聖恩復還原官補粵東之開建深林密箐接
壤粵西為奸匪出沒之藪余力行保甲

練鄉共邑有金山四礦匪竊盤踞申請
嚴禁扼以巨石杜其私挖脩學宮創書
院士民式化煥然改觀調任陽江旋丁
內艱歸里乙亥服闋謁選京師奉

命簡發山左時 大中丞郭公稔知余久任

吳粵念苑邑凋敝整頓需才遂 題請

實授苑固古青齊境然地濱斥鹵水患

頻仍余甫蒞事周遭四境相度原隰思

為吾民計久遠召墾闢築堤防貸籽種
寬逋賦脩葺四門創興書院凡有裨於
政教者次第舉行暇日稽考邑誌

國朝百餘年來宋君弼於康熙壬子鑿版重
脩古君今譽於康熙丙申又為續誌八
卷共上下二冊迄今四十餘載矣其間
因仍沿革仕宦科名風俗學校之大者
懼其久而就湮也余欲并前二誌而更

新之顧力有弗逮爰踵舊誌條目采輯
新事附益其後管康對山誌武功呂涇
野誌高陵文人學士迄今猶寶譽之余
何敢媿美前賢於呂備輶軒之採擇俟
愷悌於後賢庶有賴乎追思二十年來
仰承 嚴訓兢兢惟恐失墜力薄才謏
免虞隕越吳粵魯齊風塵執掌晨昏久
缺貽疚厥心茲者 家嚴年登大耄余

將告請歸養俸獲所願戲綵之暇手奉
是編跪而進焉寧敢謂無負過庭之訓
或以備承歡之一助云爾

乾隆二十有三年歲次戊寅四月既望知
高苑縣事蘭谿張耀璧題并書



高苑縣誌序

邑必有志猶一代必有史一姓必有譜也高苑在青齊未爲雄邑然視萊維諸邑則文明早被田氏時乃爲王都近郭游覽弋獵之地齊之有高苑猶漢之有上林也上林蟲魚鳥獸以

序一

至一艸一木司馬相如悉八宮商經緯而賦之高苑幸得除荆棘立城郭置社稷聚民人列里閭闔阡陌廣輪數千里可當古一侯國賦額二萬可當貴竹數郡而誌載荒畧使一邑之奇人名士忠孝節烈文章爾雅湮沒

不傳豈齊無人乎得無爲司馬相如
所笑吾友宋君采臣以愷悌之政喚
响一邑謳歌之聲達於境外民和訟
簡公餘多暇乃取邑志修之凡分野
山川土產風俗財賦貢獻古蹟沿革
名宦鄉賢畸人列女僊釋藝文犁然

序二

畢備典雅有法詳贍而不蕪使好古
者有所考而憲古者有所勸戒是良
史也夫政事文學自古難兼朱邑治
桐鄉卓茂治密政績炳矣而著述闕
然至於華陽國志陳留耆舊諸書又
皆邑人所自葺而與爲政者無預采

臣乃兼有之豈非異才因念宋氏之
於著述素所擅長采臣弟我脩簡臣
薄宦於魯脩闕里廣志以呈合肥龔
端毅公公大為擊節書遂傳世余才
望不及合肥雖為玄晏詎足重采臣
乎顧天下有不朽而采臣從事其二
取之造物者可謂奢矣

序三

康熙丙辰二月初吉

賜進士及第國子監祭酒華亭沈荃題



高苑縣誌序

余受任高苑見其民凋敝俗好訕訐又多
逋賦加以雨暘不時則水旱洊至于是兢
兢若履春冰伏念正供當急也爲之月一
征視其後者而策之民樂輸矣訟者立爲
平決時時諭之以親睦人稍感化鬪狠亦
少衰息矣六稔以來歲不大祲惟是以縣
志當脩厯於懷而未逮康熙十一年壬子

高苑縣誌

序

八月奉檄修縣志幸得前令葛君臣舊本
前令馮君文盛重修者少加刪整然自明
萬曆中年後多闕畧訪之故老莫得其詳
故補葺自


皇清始夫高苑古臨濟也漢初田氏兄弟更
王戰國時仲連先生之高風遺藎在焉周
厲王朝三諫臣之廟貌丹青未泯此皆是
邑之表表者若夫小清河之水害隣人之

盜決則前令爲其勞而我受其逸故備錄其議以告來者嗟乎高苑青州十四屬之最小而貧之縣也賴民多力穡婦女則織布以自給迄今沐浴

聖化人文且蔚起矣又能急公自好他日有賢人君子式涖茲邑行見瘠土化爲樂郊而忠臣高士之風何不可再見也

康熙壬子陽至文林郎知縣事華亭宋弼

題



高苑縣續志序

國朝德洋恩溥梯航萬方日月照臨咸隸版圖
雨露霑濡共登王會予家世居畿內少也雅尙
交游間嘗從石渠天祿閣中與諸太史先生酬
酢談讌放眼扶輿見夫雕題鑿齒疆理必詳象
胥鞮鞻鞞鐸罔外猗歎太平之有象予固久矣
願珥筆其後也歲甲申承乏高苑司牧一視篆
而環顧繡錯商山削芙蓉之秀濟水繞沉澹之
序

竒批鱗之遺直如新蹈海之高義未遠竊自幸
曰庶幾於公餘徵文考獻修邑乘得附盛世紀
載之末以不至徒漠然於山高水長已乎孰意
地旣汙萊值陽侯爲虐滙爲巨浸民瘼疚心未
遑文事今且美錦學製十有四載何荷

聖

恩翔洽屢廣賑典蠲租賜復聿躋阜成乃屬其
紳士耆舊採訪遺文修續志焉取華亭宋公之
舊志增新之幸有故相國之裔望重麟鳳學宮

嶽瀆振鐸苑庠 劉年翁者爲我纂修又有祠
部階亭驄馬世濟家學淵源來司邑訓 任年
翁者爲我協修因分門臚列綱目犁然定沿革
風俗里社陵墓爲一卷城池公署橋梁壇廟集
市爲二卷縣職學職武職爲三卷學制鄉賢學
田義學爲四卷鄉科鄉貢武弁封廕例貢吏掾
爲五卷孝義貞節鄉飲爲六卷地畝荒田稅糧
爲七卷制詞序文碑記詩贊爲八卷河議爲九
序

卷災異叢談爲十卷不沒前徽不執已見於志
成之日回首 帝里衣北斗而慕昭回亦旣卽
齊之巖邑徵肆力於紹述以慰夙志鳳停維北
儼喈喈以朝陽龍堂自東宛熊熊而利見黃河
由故道勿驚白馬之沉翟國有遺踪永隸青州
之域苑牆圍霸國餘威籠水流上池清照予將
以遠發葛馮之光而 劉任兩年翁亦卽以近
表宋孔之烈彈丸雖小不致杞宋之無徵梨棗

長留用依

雲漢之爲倬幅員不擇乎叢爾則黻黼亦不遐于
通籍予之弁言誠樂爲
有道頌也夫

昔

康熙五十五年十二月朔文林郎知高苑縣事
加二級宛平古今譽謹識

序

三

重修高苑縣志叙

余爲諸生時入會城往來青州道上歷安丘益都臨淄間沃野數百里土厚水深山川佳麗意凡青屬之邑俱洋洋大國之遺乎及近司鐸苑邑則見夫土地汚下人無厚業境無高山巨麓獨有小清一河發源趵突自華不注挾滄潔孝婦諸水以來夏秋霪霖盛作則西南一帶山水暴發勢若建瓴而苑以彈丸小邑當其衝此邑

叙

一

之所以地多汚萊民多流亡也賴蒞茲邑者宛平蜚聲古父母實心任政重農輕賦尊道崇儒息訟和人闔邑化之家業耕織戶誦詩書人鮮爭訟而勤輸將公庭之間至於靜可羅雀公一日案牘之餘覽舊乘而慨然曰誌自壬子修緝以來距今四十餘年矣其間土地之昔蕪而今墾戶口之昔散而今聚人文之昔彫而今興風俗之昔澆而今淳不知凡幾蓋我

國家休養生息幾乎百年於茲矣况又值我

皇上萬壽無疆重熙累洽之日而不從事鉛槧纂緝而增新之謂非蒞茲土者之責乎同寅長山
樊舫劉君夙績學士也昆仲有眉山之目而君更擅長公之長受命於公閱月告竣余披而讀之頓覺川原爲之加廣文物爲之加多忠孝節義爲之加顯洋洋然桓公仲父之遺烈不獨在安丘臨淄間而吾苑且攘臂而與角伯仲叔

二

也余愧弗能文樂

朝廷治平之久古父母報績之成而同寅劉君之文章炳烜也於是乎書

皆

康熙五十五年丙申十二月朔儒學訓導高密任境謹跋

高苑縣續誌姓氏 康熙五十五年

鑒定

文林郎高苑縣知縣加二級古今譽直隸宛平人

纂修

高苑縣儒學教諭劉大量長山人

協修

高苑縣儒學訓導任 境高密人

駐防高苑縣千總單維新高密人

高苑縣典史 王 治山西寧鄉人

高苑縣誌

卷之一

一

校正

歲貢生新授定陶縣儒學訓導 耿應運

歲 貢 生 蔡嘉徵

歲 貢 生 邵欽承

歲 貢 生 孫化鶴

貢 監 生 侯選縣丞 張紹庸

貢 監 生 邵佇國

本 學 生員耿隆運

劉際泰

高苑縣誌序

嘉禾距蘭谿七百里余少習舉業時卽聞鄉先
達康熙己卯經魁張公名士升字秀書號南洲
先生文章品行獨冠名流猥以一江之隔未獲
請業爲憾迨遊京師得與荆岩二兄訂交因志
鯉庭之訓服官行已事事可師言言足法則又
未嘗不肅然敬欣然喜也歲乙亥余與荆岩先
後至東魯又同舟青郡一歲中必謀面者數次

高苑縣誌序

一

見必問先生起居狀今年登大耋精神矍鑠殆
所云松柏之姿經寒益茂固知後福正未有艾
矣先生抱不世之才而韜光匿彩雖未得大展
生平蘊負而荆岩二兄歷任繁劇凡宦遊所經
之地皆稟承嚴訓恪遵弗怠爲時良吏卽今高
苑雖至瘠薄區而百廢具興政通人和行且循
良奏績是荆岩之經濟卽先生之經濟也不于
其身必于其子孫而又何顯晦之足云丁丑冬